

**Jinoiy huquqbazarlik sodir etishda gumonlanayotgan shaxsni
himoyalashda advokat qo'llashi mumkin bo'lgan choralar**

Andijon qishloq xo'jaligi va agrotexnologiyalar instituti

Yurisprudensiya 4-108-guruh talabasi

O'rmanova Muxlisa Dilshodjon qizi

Telefon: +998(97) 021-04-28

muxlisaormanova13@gmail.com

Anontatsiya: bu maqolada huquqbazarlik turlari va jinoiy huquqbazarlik sodir etishda gumonlanayotgan shaxsni himoyalashda advokat qo'llashi mumkin bo'lgan choralar, birinchi sud qanday va qay holatda paydo bo'lgani haqida ma'lumotlar keltirilib, xulosalar aytilgan.

Kalit so'zlar: jinoyat, jinoyatchi, huquqbazar, huquqbazarlik turlari, jinoiy huquqbazarlik, jazo, konstitutsiya, norma, prinsip, qonun, Ombudsman, xulq-atvor, modda, Xalqaro sud, retsidivist jinoyatchi, obyekti, obyektiv tomoni, subyekti va subyektiv.

Bilamizki, har bir shaxs alohida bir dunyoga ega ya'ni biron insonning harakteri boshqa insonda qaytarilmaydi. Hatto ona qornidaligidayoq bir paytda paydo bo'lgan egizaklarning ham dunyoqarashi turli-tumanni aks ettiradi. Endi ko'rinish turibdiki, shaxs xatti-harakatlari va xulq-atvori turlicha. Huddiki insonning barmoq izlari kabi qaytarilmasdir. Insonni tug'ilibdiki uning shaxsiyati rivojiana boshlaydi. Yillar davomida bu shaxsiyat rivojlanib uning xulq-atvoriga aylanadi.

Jinoyat yoki jinoyatchi ha, bu so'zlar har bir insonga notanish emas. Bu so'zlarning lug'aviy ma'nosini ko'p inson bilmasa ham lekin jinoyat deganda davlat tomonidan belgilab qo'yilgan normalarga xilof ish qilib, taqiqlangan va ijtimoiy xavfli bo'lgan qilimishni sodir etish bu jinoyat ekanligini bilishashadi. O'zi jinoyat so'zining lug'aviy ma'nosiga qaraydigan bo'lsak, jinoyat kodeksi

bilan taqiqlangan, aybli ijtimoiy xavfli qilmish (harakat yoki harakatsizlik) jazo qo'llash tahdidi bilan jinoyat deb topiladi¹. Bu yuqorida keltirilgan qilmishni sodir etgan shaxs albatta jinoyatchi hisoblanadi. Lekin shu jinoyat sodir etgan shaxslar ya'ni jinoyatchilar deb tamg'a qo'ygandek qo'l bilan ajratib ko'rsatayotgan insonlarimiz aslida jinoyatchimi? Ular ba'zi qabih niyatli insonlar girdobiga tushib qolmadimikan? Bu kabi savollar aslida hech kim jinoyatchi yoki huquqbuzar bo'lib dunyoga kelmaydi, balki atrof-muhitdag'i hodisa va jarayonlar natijasida inson shaxsi rivojlanadi degan g'oya tarafдорлари tomonidan paydo bo'lган. To'g'rida hech kim ona qornidan huquqbuzar bo'laman, yoki qulog'iga azon aytilib yaxshi niyat ila o'sib kelayotgan yosh go'dakka sen jinoyatchi bo'lasan deb niyat bildirmaydi-ku. Aslida o'ta shafqatsiz va retsidivist jinoyatchilar bilan suhbat olib borilganda ham, ularga yoshligida yoki o'spirinlik davrida ularga tazyiq o'tkazishgan bo'ladi. Va ularning bu psixologiyasidan katta tramma hosil qilib, yillar o'tib bu o'z ta'sirini ko'rsatadi.

Davlatlar paydo bo'libdiki, ular o'z qonun-qoidalariga ega bo'lishga intilib kelgan. Chunki har bir davlat an'anasi, turmush- tarzi yoki boshqa hayot kechirish qoidalariga har xildir. Shuning uchun ular o'z davlatlarida o'z qonunlarini yaratishadi. Sud yoki sud hokimiyati tushunchasi 1066 yilda Normanlarning Britaniyaga bostirib kelishidan keyin Qirol Kengashining ingliz qirollik sudyalari tomonidan paydo bo'lган. Qirollik sudyalari mahalliy yurisdiktsiyalarga sayohat qilish va tashrif buyurish orqali xabardor bo'lган mahalliy urf-odatlarni birlashtirib, qonunlar to'plamini yaratdilar². Tarixdan ma'lumki, yurtimizda qozilar sud vazifasini bajarib kelgan. Hozir ham avval ham huquqbuzarlik va jinoyat turlari ham har xil bo'lган. Huquqbuzarlik so'zining ma'nosiga ham qaraydigan bo'lsak, huquqbuzarlik – bu huquq va muomala layoqatiga ega subyekt tomonidan harakat yoki harakatsizlik ko'rinishida sodir etilgan, huquq normalariga zid keluvchi hamda shaxsga, mulkka, davlatga va

¹ O'zbekiston Respublikasi Jinoyat kodeksi – "Adolat" Toshkent. 2023

² <https://en.wikipedia.org/wiki/Court>

butun jamiyatga zarar keltiruvchi ijtimoiy xavfli qilmish³. Demak huquqbazarlikni ham shaxsga, davlatga va mulkka zarar keltiruvchi va huquq normalariga zid xatti-harakat ham deb aytsak bo‘ladi. Huquqbazarlik ham ayni paytda to‘rt guruhga bo‘linadi: ma’muriy, jinoiy, fuqarolik-huquqiy va intizomiy. Bular bir – biridan obyekti, obyektiv tomoni, subyekti va subyektiv tomoniga ko‘ra farq qiladi⁴. Endi jinoiy huquqbazarlik sodir etishda gumonlanayotgan shaxsni advokat tomonidan himoyalanishi bu juda katta va e’tibor qaratadigan narsa. Chunki u shaxs bu huquqbazarlikni sodir etgan yoki sodir etmaganini faqat o‘zi biladi. U esa ayni vaqtida hech kimga ishonmaydi va kuchli qo‘rquv depressiya holatida bo‘ladi. Hozirda tergov faoliyatimizda qanchadan – qancha islohotlar bo‘layotgan bo‘lsa, qancha begunoh insonlar yillar o‘tib oqlanyapti. Bu ham bizni tergov faoliyatimizdagi oqsoqliklarimizdan biridir. Endi esa butun ma’suliyat advokatda. U aslida o‘sha huquqbazarlik qanday va qay holatda bo‘lganini bilishi kerak va qo‘lidan kelgancha adolat qaror topishi uchun harakat qilmog‘i zarur. Avvalo advokat Konstitutsiyamizning 20-moddasi 4-qismiga ko‘ra, “Davlat organlari tomonidan insonga nisbatan qo‘llaniladigan huquqiy ta’sir choralar mutanosiblik prinsipiiga asoslanishi va qonunlarda nazarda tutilgan maqsadlarga erishish uchun yetarli bo‘lishi kerak”⁵ deb keltirib o‘tilgani yodidan chiqarmasligi kerak. Chunki huquqbazarlik sodir etilibdiki, hamma tezroq huquqbuzarni topish va uni jazoga tortish kerakligi naznida tergov harakatlari olib boradi. Demak, tergov jarayoni huquqbazar aggressiv yoki psixologiyasi hali o‘ziga kelmagan bir paytda olib boriladi. Shuning uchun haqiqattan jinoyatchi-yu lekin o‘zicha huquqni muhofaza qiluvchi organlar hodimlarini aldamoqchi bo‘layotgan shaxslarni yoki umuman aybi bo‘lmagan insonlarni insonparvarlik tamoyillariga mos bo‘lmagan ta’sir choralarini qo‘llab tergov harakatlari olib borishi mumkin emas. Bu Konstitutsiya darajasida mustahkamlab qo‘yilgandir! Advokat mana shu jihatlarga ham katta e’tibor qaratishi lozim. Agarda shu

³ Davlat va huquq nariysi: darslik. – Toshkent: TDYU, 2022. -209 bet

⁴ Davlat va huquq nariysi: darslik. – Toshkent: TDYU, 2022. -210 bet

⁵ O‘zbekiston Respublikasi Konstitutsiyasi – “Yuridik adabiyotlar publish” Toshkent. 2023

moddaning 5-qismiga ham nazar tashlasak, “Inson bilan davlat organlarining o‘zaro munosabatlarida yuzaga keladigan qonunchilikdagi barcha ziddiyatlatlar va noaniqliklar inson foydasiga talqin etiladi”⁶ deb qo‘yilganiga ko‘zimiz tushadi. Bu ham so‘nggi yillardagi sud-huquq tizimida vujudga kelgan islohotlarni qonunchiligidan o‘z ta’sirini ko‘rsatayotganini bir dalilidir. Yana advokat qo‘lidan kelgancha Xalqaro inson huquqlari bo‘yicha vakil ya’ni Ombudsmana kerak bo‘lsa Xalqaro sudga ham murojaat qilishi kerak. O‘zining himoyasidagi shaxsni himoya qilish uchun qayta ekspertiza o‘tkazishi ham mumkin yoki tergov xulosasini ham olishi mumkin. Hozirda sud jarayonlari shaffofligini ta’minalash maqsadida sud jarayoni bo‘ladigan kungacha bo‘lgan vaqt davomida ikki tomon ham sud jarayoniga yaxshi tayyorlanishi uchun sud hokimiyati qo‘lidan kelgan barcha ishlarni bajarmoqda.

Xulosa qilib aytadigan bo‘lsam, hech kim jinoyatchi yoki huquqbuzar bo‘lib dunyoga kelmaydi. Bu atrofdagi muhit yoki qandaydir holat natijasida paydo bo‘ladi. Uning aslida huquqbuzar yoki jinoyatchiligin esa yillar o‘tib emas balki advokat va huquqni muhofaza qiluvchi organ hodimlari tomonidan adolatlari belgilangan muddatlarda aniqlash yoki isbot qilishi kerak. Sud protsessi bo‘layotgan yoki muddati belgilangan kungacha advokat qo‘lidan kelgan hamma narsani qilishi kerak. Chunki bu faqat sud hodimlari qo‘lida emas. Qarz ikki qo‘ldan chiqadi deganday, ikki tomon ham huquqbuzarlikni ochilishi uchun harakat qilishi kerak. Dalillar va yolg‘on guvohliklar tufayli asl aybdor jazosiz qolmasligi kerak.

Foydalanilgan adabiyotlar

1. O‘zbekiston Respublikasi Konstitutsiyasi – “Yuridik adabiyotlar publish” Toshkent. 2023
2. O‘zbekiston Respublikasi Jinoyat kodeksi – “Adolat” Toshkent. 2023
3. <https://en.wikipedia.org/wiki/Court>
4. Davlat va huquq nariyasi: darslik. – Toshkent: TDYU, 2022. -209 bet

⁶ O‘zbekiston Respublikasi Konstitutsiyasi – “Yuridik adabiyotlar publish” Toshkent. 2023